

## PROPOSTA DA XERENCIA PARA A ADXUDICACIÓN DEFINITIVA

ASUNTO: CONTRATACION POLO PROCEDEMENTO NEGOCIADO SEN PUBLICIDADE PARA A REDACCIÓN DO PROXECTO BÁSICO E DE EXECUCIÓN, ESTUDIO DE SEGURIDADE E SAUDE, XEOTÉCNICO, E DE TELECOMUNICACIÓN VISADO, NECESARIOS PARA A REHABILITACIÓN DOS INMOBLES SITOS EN SAN SEBASTIAN 4 E SUBIDA AO CASTELO 5 E 7.

Con data 12 de setembro de 2008 o Presidente do Consorcio Casco Vello de Vigo, asinou a aprobación da adxudicación provisional para a redacción do proxecto que figura no encabezamento a **JAVIER FRANCO/VICENTE PINTOS, ARQUITECTOS S.L.**

En dita resolución outorgábaselle a adxudicataria provisional o prazo de 15 días hábiles contados dende o día seguinte o da publicación da adxudicación provisional no perfil do contratante para aportar a documentación a que se refire a cláusula 10.6 do prego de cláusulas administrativas que rexe no presente concurso.

A publicación da adxudicación provisional no perfil do contratante do Consorcio Casco Vello de Vigo, tivo lugar o día 15 de setembro, polo que o prazo outorgado finalizaba o día 02 de outubro. Por outro lado foron informados da adxudicación provisional, a través da oportuna notificación, todos e cada un dos licitadores que presentaron ofertas.

O adxudicatario provisional, **JAVIER FRANCO/VICENTE PINTOS, ARQUITECTOS S.L.**, presentou en tempo e forma a documentación referida no apartado anterior, e por parte dos demais licitadores non houbo ningún tipo de observación respecto da adxudicación provisional.

En consecuencia, a esta Xerencia, propón ao Sr. Presidente do Consorcio Casco Vello de Vigo, órgano de contratación no procedemento negociado sen publicidade en trámite, a adopción da seguinte,

### RESOLUCIÓN:

**PRIMEIRO:** Aprobar a adxudicación definitiva da contratación polo procedemento negociado sen publicidade para a redacción do proxecto básico e de execución, estudo de seguridade e saúde, xeotécnico, e de telecomunicación visado, necesarios para a rehabilitación dos inmobles sitos en **San Sebastián 4 e Subida ó Castelo 5 e 7** a **JAVIER FRANCO/VICENTE PINTOS, ARQUITECTOS S.L.**, con CIF B36866432 e domicilio en rúa Porto Rico, 17-2º dereita, 36.204-Vigo, nas condicións indicadas na súa proposta e por importe de 40.355,34 € mais o IVE de 6.456,86 euros, o que fai un total de **CORENTA E SEIS MIL OITOCENTOS DOCE EUROS CON VINTE CENTIMOS (46.812,20€)** por considerar que é a oferta é mais ventaxosa para os intereses do Consorcio Casco vello de Vigo.

**SEGUNDO:** Que se faga pública a resolución de adxudicación definitiva no perfil do contratista do Consorcio Casco Vello de Vigo, o día de 06 de outubro de 2008 para coñecemento xeral, así como a notificación a todos os licitadores. Posteriormente, e no prazo establecido, procédase á formalización do contrato en documento administrativo ao que se unirá o prego de cláusulas administrativas particulares e o de prescipcións técnicas asinadas polo adxudicatario no prazo de dez días hábiles a contar dende o día seguinte o da notificación da adxudicación definitiva, constituído dito documento título suficiente para acceder a calquera rexistro público.

En Vigo, a tres de outubro de de 2008

O Xerente do Consorcio

Alfonso Ramos Covelo

DECRETO

**Intervido e conforme,**  
O INTERVENTOR DELEGADO

Asdo. Luis Garcia Alvarez

Esta Presidencia, no uso das atribucións que lle confire o artigo 12.e dos estatutos do Consorcio Casco Vello de Vigo, examinada a proposta formulada pola Xerencia, **RESOLVE** favorablemente á mesma.

O manda e asina o Sr. Presidente, en Vigo a 6 de outubro de 2008, ante min, secretaria que certifico.

A Secretaria

Marta Riobó Ibáñez

O Presidente

Santiago Xosé Domínguez Oliveira.